

晦菴題跋

朱熹撰

中華書局

聯毫題跋

目錄

卷之一

跋東坡與林子中帖 二則

跋李後主詩後

跋呂伯恭日記

題伯恭所抹荆公日錄

跋口口

跋口口

題歐公金石錄序真蹟

題西臺書

題荆公帖 二則

題力命帖

題樂毅論

題蘭亭叙

題鍾繇帖



題法書

題曹操帖

書畫

題右軍帖

跋諸人贈路君詩後

跋喻湍石所書相鶴經

跋朱希真所書樂毅報燕王書

跋朱喻二公法帖

跋應仁仲所刊鄭司業詩

跋蔣邑州墓誌銘

跋鄭威感遺事

跋米元章帖

書歐陽文忠公集古錄跋尾後

跋周元翁帖

跋胡澹菴所作李承之論語訛序

跋胡澹菴和李承之詩

跋宋君忠彙集

跋范文正公送竇君詩

跋淡上翁集

跋潘顯甫字序

跋謝艮齋所作靜齋銘

題顧侯射記後

跋李壽翁遺墨

跋任伯起家藏二蘇遺蹟

跋廖南夫義堂集

跋馮君家詩話

跋程董二生學則

書伊川先生帖後

題太極西銘解後

跋東坡與趙德麟字說帖

書楊龜山帖後

跋楊遵道遺文

跋陳丁籍黃沈

記參政龔公陸辭奏議後

跋通鑑綱目

跋程宰登瀛閣記

題方氏家藏紹興諸賢帖後

跋先吏部留題延福院詩

跋施良翰軍政策

再跋參政龔公陸辭奏議

跋閻丘生陰符經說

跋黃山谷詩

書伊川先生與方道輔帖後

書臨漳所刊四經後

書詩易春秋

書楚辭協韻後

再跋楚辭叶韻

題屈原天問後

跋劉子澄與朱魯叔帖

跋黃山谷帖

跋蔡端明帖

跋曾文昭公與朱給事帖

二則

跋東坡牛賦

跋王端明奏稿

書臨漳所刊四子後

跋蔡端明獻壽儀

跋李忠州家諸帖

跋高彦先家諸家帖

跋葉氏墓堂詩

跋滕戶曹守台州事實

跋呂舍人帖

跋景呂堂詩

卷之二

跋朱奉使奏狀

跋趙直閣忠節錄

跋趙朝奉行實

跋王荆公進鄴侯遺事奏稿

跋方季申所校韓文

跋趙中丞行實

跋徐來叔歸師堂詩

跋尹和靜帖

跋唐人暮雨牧牛圖

跋楊深父家東坡帖

跋蔡神與絕筆

跋劉叔通詩卷

跋呂伯恭書說

跋魏侍郎集

書橫渠康節帖後

書先吏部手澤後

跋余巖起集

書僞詔後

題趙清獻事實後

跋呂舍人與薛元亮帖

跋薛畏翁

跋曹襄父劉子澄帖

跋呂舍人青溪類藁

跋曾襄父贈屈待舉詩

跋曾仲恭文

跋鄭宣撫帖

跋曾南豐帖

題呂舍人帖

書壽皇批答魏丞相奉使劄子

跋辨志錄

跋趙清獻公家問及富帖跋語後

跋三家禮範

書邵康節誠子孫真蹟後

跋謝良齋與黃生詩

跋禹侯行實

跋曾襄父艇齋師友尺牘

書程子禘說後

跋魯直書踐阼篇

跋趙清獻公遺帖

跋司馬忠潔公帖

跋司馬文正公通鑑綱要真蹟

跋王樞密答司馬忠潔公帖

跋司馬文正公薦賢帖

再跋王荊公進鄧侯遺事奏藁

書釋奠申明指揮後

跋李侍郎武夷詩

跋東坡剛說

跋李勉仲詩卷

跋郭長楊醫書

題嗣子詩卷

跋邵康節檢束二大字

跋蒼王詩卷

跋武侯像贊

跋魏元履墓表

跋道士陳景元詩

跋李參仲行狀

跋呂仁甫諸公帖

書李參仲家藏二程先生語錄後

題嚴居厚與馬莊甫唱和詩軸

跋吳中丞家傳

跋趙忠簡公帖

再跋趙忠簡公帖

跋張魏公詩

書張魏公與謝參政帖

二則

跋向伯元遺戒

書廖德明仁壽廬條約後

卷之三

跋趙鈴轄墓誌

跋劉雜端奏議及司馬文正公帖

跋張忠確公家問

跋東陽郭德輔行狀

跋許侍郎詩卷

書河圖洛書後

跋萬君行實

跋呂范二公帖

跋度正家藏伊川先生帖後

跋張敬夫與馮公帖

跋孔君家藏唐誥

跋孔毅夫談苑

跋十七帖

跋杜工部同谷七詩

跋李伯時馬

跋東坡書李杜諸公詩

跋杜祁公與歐陽文忠公帖

跋東方朔畫贊

跋蔡端明寫老杜前出塞詩

跋吳道子畫

跋歐陽文忠公與劉侍讀帖

跋舊石本樂毅論

跋東坡祭范蜀公文

跋富文忠公與洛尹帖

跋韓魏與歐陽文忠公帖

跋朱希真所書道德經

跋趙清猷公家書

跋湯君墨梅

跋王信臣行贊

跋程沙隨帖

書釣臺壁間何人所題後此詞實亦先生所作

跋呂氏藏時雜記

跋張安國帖

跋山谷宜州帖

跋米元章下蜀江山圖

跋蔡端明帖

跋歐陽文忠公帖

跋東坡帖

跋曾南豐帖

跋彭監丞集

跋劉司理行贊

跋家藏劉病翁遺帖

跋病翁先生詩

書先吏部筆齋記銘并劉范二公帖後

書先吏部與淨悟詩後

跋德本所藏南軒主一箴

題吳和中感秋賦後

跋張以道家藏東坡枯木怪石

跋劉子勉行狀

跋吉水周君家藏訴牒

跋山谷草書千文

跋陳允澤家藏東坡竹石

跋陳大夫詩

跋進賢傳君行實

跋大父承事府君行狀

跋楊子直所賦王才臣絕句

跋黃登隱所藏師說

跋袁州萍鄉縣社倉記

跋周司令所藏東坡帖

跋章國華所集注杜詩

跋林汝器論語集說後

題李太白詩後

書周易參同契考異後

題不養出母讖後

書張伯和詩詞後

跋徐騎省所篆項王亭賦後

跋蘭亭敘

跋汪季路所藏其外祖湍石喻公所書文

中子言行卷後

跋泰山秦篆譜

跋蔡藻筆

題袁機仲所校參同契後

跋周益公楊誠齋送甘叔懷詩文卷後

跋陳剛中帖

晦菴題跋卷之一

宋 新安朱熹 撰

明 古虞毛晉 訂

跋東坡與林子中帖

淳熙辛丑中冬乙酉觀此於衢州浮石舟中時浙東饑甚予以使事被旨入奏三復其言允深感歎當撫刻諸石以視當世之君子新安朱熹書

再跋

淳熙辛丑浙東水旱民饑予以使事被召入奏道過三衢得觀此帖於玉山汪氏以為仁人之言不可以不廣也明年乃刻石常平司之西齋新安朱熹書

嘉書

第三書節略云別後淫雨不止所送災傷殊甚京口米斗百二十文人心已足皇皇又四月天氣全似正月今歲流拜疾病必頻指置淮南於麥已無望必致動本路米價欲到廣陵更與正仲議之更一則願老兄與微之申玉商議早開朝廷厚設儲備庶中本路歲餘及別路數米錢米并因大荒放稅及納却課利蓋累百距萬然於救饑初無絲毫之益者救之是故也願兄

晦菴題跋 卷一

早聞意又乞與漕司商量今歲上供斛米特米室起發凡自二月間奏乞且是舊數月起發餘此開運朝廷必不謂荷知春之深輒爾附言想一其皇恐

跋李後主詩後

平叔任散誕夷甫坐論空豈悟昭陽殿遂作單于宮此陶隱居託魏晉以諷蕭梁之詩也當時不悟竟蹈覆轍其為商監益以明矣而連命李侯乃復以無生泥茫者亡其國何哉道學不明人心不正誠淫邪遁之說肆行而莫之禁也嗚呼痛哉

熹觀汪伯時所藏李後主手寫詩歎息書此潘叔昌訪熹釣臺因書贈之淳熙辛丑十一月十八日

八日

跋呂伯恭日記

觀呂伯恭病中日記其緒閱論著固不以一日懈至於氣候之暄涼草木之榮悴亦必謹焉則其察物內省蓋有非血氣所能移者矣此來不得復見

伯恭父固爲深恨然於此得窺其學力之所至以自警省則吾伯恭之不忘者其誨我亦諄諄矣三復流涕敬書其後淳熙壬寅新安朱熹書

題伯恭所林荆公日錄

伯恭病中讀書漏刻不去手既定詩說記古今大事而其餘力又及此然皆未及終篇而卒讀者恨之此書經楊陳二公掇掇不遺餘力而其肺腑之際猶有未盡白者今觀伯恭於書首四卷乃不加一詞而其殘微毛髮之間皆不得有所遺學者於此不唯可以究觀前事而極夫治亂之源抑亦可以反求諸心而審其得失之端矣淳熙壬寅正月十七日來哭伯恭之墓而叔度出此編視予感歎之餘爲書其左朱熹仲晦父

跋

淳熙壬寅上巳朱熹仲晦父觀疑此卷勝名畫詩也

跋

尤延之論古人筆法來處如周太史莫世系其使人無間言朱熹仲晦父識

題歐公金石錄序真蹟

集錄金石於古初無蓋自歐陽文忠公始今順伯嗜古無厭又有甚於公之所爲而復得公此序真蹟藏之其不偶然矣淳熙壬寅復飲會稽西園暮歸書此朱熹仲晦父

題西臺書

西臺書在當時爲有法要不可與唐中葉以前筆跡同日而語也細觀此帖亦未見如延之所云也新安朱熹仲晦父

題荆公帖

先君子自少好學荆公書家藏遺墨數紙其偽作者率能辨之先友鄧公志宏嘗論之以其學迫於河雒學文於元祐而學書於荆舒爲不可曉者今

觀此帖筆勢翩翩大抵與家藏者不異恨不使先君見之因感咽而書于後朱熹書

題荆公帖

嘉家有先君子手書荆公此數詩今觀此卷乃知其爲臨寫本也恐後數十年未必有能辯之者略識于此新安朱熹云

題力命帖

力命表舊惟見近世刻本今乃得見貞觀所刻深以自幸然字小目昏殆不能窺其妙處又愧其見之晚也它日見右方諸公當請問焉又未知其所見與于果如何耳朱熹仲晦父

題樂毅論

新安朱熹觀王順伯所藏樂毅論黃庭經東方贊皆皆所未見撫歎久之

題蘭亭叙

淳熙壬寅上巳飲謨會稽郡治之西園歸玩順伯

所藏蘭亭叙兩軸知所謂世殊事異亦將有感於斯文者猶信及覽諸人跋語又知不獨會禮爲聚訟也附書其左以發後來者之一笑或者猶以賤奏功名語右軍是殆見杜德機耳晦翁

題鍾繇帖

此表歲月千未嘗深攷然固疑征南將軍爲曹仁也今觀順伯所論適與意合是時字畫猶有漢隸體知此墓田帖及官本白勣等字爲非鍾筆仁疑也朱熹記

題法書

予舊嘗好法書然引筆行墨輒不能有毫髮象似因遂懶廢今觀此帖益令人不復有餘念今人不及古人豈獨此一事推是以往庶乎其能自強矣朱熹書

題曹操帖

余少時曾學此表時劉某父方學顏書鹿脯帖余

以字畫古今謂之英父謂余我所學者唐之忠臣公所學者漢之篡賊耳時子默然亡以應今觀此謂天道禍淫不終厥命者並有感於英父之言云晦翁

書璽

臣熹恭惟我太祖皇帝受天明命以有九有之師時蓋未得此璽也紹聖元符之後事變有不可勝言者矣臣熹敬書

題右軍帖

隨事行藏固謝萬之藥石然右軍未必能踐斯言也豈其自知已審遂超然遠逝而不顧邪三復此紙欲罷不能後之君子富有識此意者朱熹仲晦父

跋諸人贈路君詩後

路君斷橋擊賊手斬凶渠其功甚偉而賞不賚識者恨之然君材氣過人臨事不苟決非終不遇者

觀此詩卷固多奇語而余於答書沈公之言爲有感也路君勉旃而已淳熙壬寅九月丙申朱熹題

沈公蓋叔晦之專人時爲越州簽判路君名若卿嘗爲新水尉

跋喻滿石所書相鶴經

舊藏碧虛子相鶴經石本意頗愛之今觀滿石喻公所書法度謹嚴而意氣蕭散知彼爲法縛矣淳熙壬寅臘月庚申朱熹

跋朱希真所書樂毅報燕王書

余嘗恨右軍不寫此書而寫夏侯之論今觀玉山汪季路所藏伊水老人手筆老人得無亦有余之恨乎季路將刻之石以貽永久余知有志之士當復有廢書而泣者矣淳熙壬寅十二月庚申新安朱熹書

跋朱喻二公法帖

書學莫盛於唐然人各以其所長自見而漢魏之楷法遂廢入本朝來名勝相傳亦不過以唐人爲

法至於黃米而欬傾側猶狂怪怒張之勢極矣近歲米鴻腫喻工部者出乃能超然遠覓追迹元常於千載之上斯已奇矣故嘗集其墨刻以爲此卷而尤以樂毅書相贈經爲絕倫不知鑒賞之士以爲如何也

跋應仁仲所刊鄭司業詩

鄭司業金華被召入詩慈祥溫厚之氣藹然發於筆墨畦徑之外其門人應君仁仲刻石摹本見寄三復詠歎如見其人爲之隕涕淳熙乙巳正月庚戌朱熹仲晦父書

跋蔣邕州墓誌銘

始予讀張敬夫遺文兄所記蔣邕州事常恨不得蔣君爲人之詳一日有新倭縣蔣令者過門枉顧出張安國所述其先墓文則邕州公也予驚喜疾讀數過不能去手又觀劉文潛跋語則又知君之遺愛在人久而不衰也嗚呼世固未嘗無材也唯

其生於窮荒下邑既無以自振而又知自貴重不肯希世取寵遂以陸沉下僚不及究其所有者爲不少矣如君之材晚雖小試然其志業豈遽盡於其所已試者而已邪是可哀已文潛所論聲病緩緝遺賢之獎尤與人意合章卿稱攸縣嘗論嶺西鹽法因得扣焉又喜邕州家法之未泯也嗟嘆不已輒記其後云淳熙乙巳二月庚辰新安朱熹

跋鄭威愍遺事

鄭威愍公擁旌卒守孤城以抗暴起方張之虜鄉援既絕遂以身殉予讀褒贈詔書及其家閭墓銘未嘗不三復流涕也夫忠義之性出於人心之秉彝策名委質以事人者其講之空熟矣而吾觀於前日中原之禍一時士大夫出身殉國死其官守如鄭公者何少也豈非義利之分不素明取舍之極不素定一旦倉卒則貪生畏死而惟利之從哉嗚呼如鄭公者可謂得其本心而無愧於臣人之

義矣是固有國家者所以殷勤褒錄以爲臣子之勸使其有所鄉慕感激而興起其忠義之良心非獨以私於鄭氏之子孫而已也因竊敬識其後以告觀者云淳熙乙巳三月甲申朔新安朱熹書

跋米元章帖

米老書如天馬脫銜追風逐電雖不可範以馳驅之節要自不妨痛快朱君所藏此卷尤爲奔軼而所寫劉無言詩亦多奇語信可寶也淳熙乙巳三月晦日朱熹仲晦父觀于建陽西山景福僧舍

書歐陽文忠公集古錄跋尾後

歐陽文忠公集古所錄蓋千卷也頃嘗見其曾孫當世家尚二百本但跋尾及一二明公題字其石刻謂離亂之後逸之爾今觀此四紙自趙德父來則在崇寧間已散落也不然豈其葉邪以校文集所載多訛舛脫略是當爲正而楊君集碑文集則無惟中字作仲宗建武之元作孝

武恐却乃筆誤也然德父平生自編金石錄亦二千卷又倍於文忠公今復安在公所謂君子之垂不朽不託於事物而傳者真知言哉三復歎息淳熙九年重五日涪川韓元吉書

集古跋尾以真蹟校印本有不同者韓公論之詳矣然平泉草木記跋後印本尚有六七十字深誦文饒處富貴招權利而好奇貪得以取禍敗語尤緊切足爲世戒且其文勢至此乃有歸宿又鬼谷之術所不能爲者之下印本亦無也字凡此疑皆當以印本爲正云十二年四月既望朱熹記

華山碑仲宗字洪丞相隸釋辨之乃石刻本文假僭用字非歐公筆誤也

跋周元翁帖

法楊者讀書至老不輟持論甚正常云農家有百錢斗粟之贏必謹藏之與僧乃已民安得不貧故其住山不營土木不遺其徒出勾曰吾不

忍助民蠶也權貴人有所求一毫不予而凶年
作糜粥以活人餓者豈易得哉豈易得哉願公
并書之可乎 此乃陸倉與先生書

明州大梅老法楊者故龍圖閣學士鄭公向之曾
孫也藏周元翁帖與其先世手書一軸皆屬山陰
陸務觀求予跋尾未及遣而下世務觀乃以書致
之且言楊旣死此軸無所付寫畢願爲送濂溪書
堂藏之元翁詞翰之美前輩已多稱之無所俟於
予言者獨味其言知老先生之學之傳乃專在於
程氏此可歎也楊公雖不及識然如務觀所稱則
其故家遺俗猶可想見豈亦自悔其失身於此而
不能有以自還也邪此又重可歎也務觀別紙筆
札精妙意寄高遠楊公所賴以不朽蓋有在於是
者因玆以附卷中而識其後云淳熙乙巳孟夏旣
望雲臺隱史朱熹仲晦父書

跋胡澹菴所作李承之論語說序

通經之士固當終身踐言乃爲不負所學斯言之
要所以警乎學者可謂至深切矣然士之必於通
經正爲講明聖賢之訓以爲終身踐履之資耳非
直以分章析句爲通經然後乃求踐言以實之也
李君承之來自廬陵出示澹菴先生胡公所爲作
論語解序欽玆三復如奉音旨敢竊推其餘意以
附卷尾李君幸以愚言思之則庶乎知先生所以
推揚期待之意矣淳熙乙巳六月乙丑新安朱熹
敬書

跋胡澹菴和李承之詩

蜀人李君承之見過山間示詩一編詞源奔放而
句律謹嚴讀之令人臺臺不厭間出澹菴先生胡
公和章一卷皆其手筆又知君詩之勝已爲名流
知重如此也因復自念頃歲嘗得一見先生於臨
安其後遂叨薦寵而不知所以得之或者以爲先
生嘗見其詩而喜之也顧今衰落患許不嗣而李

君辭博縱橫究知西南利病蓋不但深於詩者亦復流落艱難疲於道路豈先生所許以爲可與言詩者例如此邪慨念先生不可復見因太息爲書其後云淳熙乙巳六月乙丑新安朱熹書

跋朱君忠嘉集

莊周有言子之愛親命也不可解於心臣之事君義也無適而非君也無所逃於天地之間古今以爲名言然以予論之父子之仁君臣之義莫非天賦之本然民彝之固有彼乃獨以父子爲自然而謂君臣之相屬特出於事勢之不得已夫豈然哉今讀東海宋君之事觀其出身以報國家之仇履鋒鏑蹈危難濟九死而不悔及其一旦棄妻子去以逃左社之禍則寢困極矣而變易姓名猶不能忘於國家與復之念夫豈有所不得已而強爲之哉於此觀之則君臣之義如吾所論無可疑者而莊生爲我無君禽獸食人之邪說亦可以不辨而

自明矣抑觀諸人所記宋君本末猶可以想見其魁奇磊落之氣至於挂劍之章語尤悲壯則每讀之未嘗不流涕太息也先是天子錄君之遺忠官其子南強而南強今爲南劍之沙縣治甚有聲其亦患有以不墜其先人忠義之教乎哉淳熙乙巳七月庚戌新安朱熹書

跋范文正公送賈君詩

片帆飛去若輕鴻一霎春潮過湖東王謝江山久蕭索子真今爲起清風

右范文正公詩也鄴尉廳無壁記賈君不知何許人及居官歲月然爲范公所與如此必非常流矣而卒泯滅不少概見於世何哉新安滕璘德粹嗣守其官以是詩爲不可無傳也礪石治舍讀書而刻之淳熙乙巳八月壬戌同郡朱熹書而記其後云

跋溪上翁集

須江嚴伯奮來訪出其先君子溪上翁遺文三巨編後有當世諸賢題識甚詳熹於翁爲同年生前此未獲相識今讀其文汪洋放肆究極事情而無艱難辛苦之態至於四五六七言則尤兄延之題品發明又已曲盡其妙其夢中一詩置之張司業楊少尹集中殆無以辨信亦近世之佳作也伯奮求叙適予大病眩瞢不能致思爲題其後如此而歸之淳熙十二年九月二十三日新安朱熹書

跋潘顯甫字序

余年十六七時屏山劉先生字余以元晦而祝之其詞曰木晦於根春容睍數人晦於身神明內腴余受其言而行之不力涉世犯患顛沛而歸然後知其言之有味也讀潁川公所爲潘氏子顯甫字說竊獨重有感焉爲之太息而識其後顯甫視之而能以予爲戒則於父師之訓其庶幾矣是歲冬十月壬子新安朱熹書

跋謝良齋所作靜齋銘

良齋受學長陽冲晦先生之門得其宗旨訓誘後學孜孜不倦其論求仁功夫如此所以期於子山者遠矣子山蓋亦有以用其一日之力使斯銘者不爲虛語乎哉卷中又有同年趙彥德題字覽之如見其人益深存沒之感淳熙乙巳十月甲寅

題顯侯射記後

顯侯以殊科自奮射藝精絕予久聞之未得一寓目而侯以秩滿去矣一日來山間出此記讀之想見一時星飛的破起坐誼諱之樂尤恨不得爲坐上客也仇虜雖衰故疆未復侯其勉旃有以副聖主教訓作成之意云淳熙丙午七月七日雲臺外史朱熹書

跋李壽翁遺墨

韓退之著書立言砥排佛老不遺餘力然讀其謝潮州表答孟簡書及張籍僧莫之詞則其所以處